



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<22>> մարտի 2019թ.

Ո Ր Ո Շ ՈՒ Մ No. 452 /08-Ա

Ջկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով անհատ ձեռնարկատեր Անի Հակոբյանի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների անհատ ձեռնարկատեր Անի Հակոբյանի (ՀՎՀՀ՝ 49600436, հասցե՝ Արմավիրի մարզ, գ. Սարդարապատ, 1փ., 126տ, պետ. գրանցման համար՝ 83.932863, ն/ք 008112054) չկատարված հարկային պարտավորությունը 26.02.2019 թվականի դրությամբ կազմել է 1.529.179 դրամ, որից ապառք՝ 1.218.579 դրամ, տույժ՝ 310.600 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին 27.02.2019թ.-ին ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, չի ներկայացվել վարույթի նյութերին ծանոթանալու համար և որևէ բացատրություն չի տվել:

Սույն վարույթի շրջանակներում առկա 922.799 դրամ պարտավորությունը, որից եկամտային հարկի գծով՝ 665.166 դրամ /ապառք՝ 509.904 դրամ, տույժ՝ 155.262 դրամ/, սոցիալական վճարի /ամսական/ գծով՝ 127.179 դրամ /ապառք՝ 104.975 դրամ, տույժ՝ 22.204

դրամ/, արտոնագրային հարկի գծով՝ 65.454 դրամ /ապառք՝ 60.000 դրամ, տույժ՝ 5.454 դրամ/, սոցիալական վճարի /տարեկան/ գծով՝ 65.000 դրամ, ենթակա է գանձման ՀՀ ՊԵԿ իրավաբանական վարչության պետի 04.07.2018 թվականի թիվ 1558/08-Ա որոշմամբ:

Իսկ սույն վարույթի շրջանակներում առկա 146.691 դրամ պարտավորությունը, որից եկամտային հարկի գծով՝ 71.035 դրամ /ապառք՝ 69.000 դրամ, տույժ՝ 2.035 դրամ/, սոցիալական վճարի /ամսական/ գծով՝ 26.252 դրամ /ապառք՝ 25.500 դրամ, տույժ՝ 752 դրամ/, արտոնագրային հարկի գծով՝ 49.404 դրամ /ապառք՝ 48.000 դրամ, տույժ՝ 1.404 դրամ/ ենթակա է գանձման ՀՀ ՊԵԿ իրավաբանական վարչության պետի 14.02.2019 թվականի թիվ 3333-8 Ա որոշմամբ:

26.02.2019 թվականին հարուցված վարչական վարույթի շրջանակներում առկա 23.000 դրամ եկամտային հարկի գծով և 8.500 դրամ սոցիալական վճարի /ամսական/ գծով պարտավորությունները, որն առաջացել է 2019 թվականի հունվար ամսվա հաշվարկից, ինչպես նաև 24.000 դրամ արտոնագրային հարկի գծով պարտավորությունը, որն առաջացել է 2019 թվականի փետրվար ամսվա հայտարարությունից սույն որոշմամբ գանձման ենթակա չէ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 404.189 դրամ, որից՝

եկամտային հարկի գծով պարտավորությունը կազմում է 192.003 դրամ, այդ թվում ապառք՝ 124.200 դրամ, տույժ՝ 67.803 դրամ, որն առաջացել է 2018 թվականի մայիսից սեպտեմբեր ամիսների հաշվարկներից և ՀՀ հարկային օրենսգրքի 401 հոդվածի համաձայն հաշվարկված տույժերից,

սոցիալական վճարի /ամսական/ գծով պարտավորությունը կազմում է 56.149 դրամ, այդ թվում ապառք՝ 36.500 դրամ, տույժ՝ 19.649 դրամ, որն առաջացել է 2018 թվականի մայիսից սեպտեմբեր ամիսների հաշվարկներից և <Կուտակային կենսաթոշակների մասին> ՀՀ օրենքի 71-րդ հոդվածի համաձայն հաշվարկված տույժերից:

արտոնագրային հարկի գծով պարտավորությունը կազմում է 156.037 դրամ, այդ թվում ապառք՝ 120.000 դրամ, տույժ՝ 36.037 դրամ, որն առաջացել է 2018 թվականի հուլիսից նոյեմբեր ամիսների հայտարարություններից և ՀՀ հարկային օրենսգրքի 401 հոդվածի համաձայն հաշվարկված տույժերից,

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն

որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Անհատ ձեռնարկատեր Անի Հակոբյանից գանձել 404.189 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:

5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**

Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

Խարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ քաժին,
գլխավոր մասնագետ Կ.Թովմայան
Հեռ. 011549191 /91-87/